

03/03/2021

თბილისის სასულიერო აკადემია და სემინარია - საჯარო ლექცია თემაზე: „სამოგადოება და ფსიქოლოგიური ძალადობა“



2021 წლის 26 თებერვალს, 17 საათზე, ფსიქოთერაპევტმა ნათია წერეთელმა თბილისის სასულიერო აკადემიისა და სემინარიის საჯარო ლექციათა ციკლის ფარგლებში წაიკითხა ლექცია თემაზე „სამოგადოება და ფსიქოლოგიური ძალადობა“.

დისტანციურ შეხვედრაზე მომხსენებელმა ისაუბრა ფსიქოლოგის მუშაობის ძირითად საერთაშორისო პრინციპებსა და ამ პრინციპების დაცვის ვალდებულებებზე. მოხსენებაში განხილული იყო პროფესიონალი ფსიქოლოგის სოციალური პასუხისმგებლობისა და ვალდებულების საკითხები, რომელთა გათვალისწინება აუცილებელია სამოგადოების წინაშე საჯარო გამოსვლისას ან პრაქტიკული მუშაობის დროს.

იმავედროულად, მომხსენებელმა განიხილა მედიასივრცისა თუ სოციალური ქსელების საშუალებით ადამიანის საბაზისო, ფუნდამენტური უფლებების ხელყოფის ფაქტები. დღეს ძალიან გახშირდა კერძო პირთა თუ ინსტიტუციათა მიმართ გამოხატვის უფლების სახელით ცილისწამება, შანტაჟი, დამცირება, რეპუტაციის შელახვა, ირიბი თუ პირდაპირი შეურაცხყოფა, მუქარა, დაშინება, კიბერბულინგი. შესაბამისად, მოხსენების თემატიკა ამ მოვლენათა ფსიქოლოგიურ საფუძვლებს, მიზნებსა და მექანიზმებსაც შეეხო. შეხვედრა დასრულდა დისკუსიით, რომელზეც მომხსენებელმა მსმენელებთან ერთად ამ თემებთან დაკავშირებული ესა თუ ის საკითხი უფრო ღრმად განიხილა.

— tsas.ge